

manu pictoriâ duodecim horarum numeros eo modo quo
 in horologiis scribi vulgò solent, hâc solâ differentiâ, (quam
 positus orbiculi arbitrarius facilè suppeditabat) ut, quâ later-
 nâ interiora respiciebat, numeri horæ sextæ in summo, duo-
 decimæ in imo extarent, ac cæterarum numeri eo se conse-
 querentur ordine, quem num. 1. Fig. 46. commonstrat. Hoc
 positu intra foramen circulare unum asserculi consueti firma-
 tus capsulâ quadam ex lamina ferrea paratâ eidemque asser-
 culo utrinque affixâ muniebatur, cujus usus haut alius erat
 futurus, quàm ut operculum reciperet num. 2. delineatum,
 cujus ambitus è simili lamina factus, fundus autem vitreus
 erat & in hoc ipso delineatus index B perspicuus, partibus cæ-
 teris hunc orbiculariter ambientibus opacatis, extimo verò
 annulo iterum perspicuo relicto, utpote per quem numeri
 orbiculo A inscripti & immobiles tralucere debebant. Huic
 operculo B in extimo margine curavimus ad ferruminari an-
 nulum orichalceum in denticulos 48. divisum, ita ut inver-
 sum & capsulæ A superimpositum eâ formâ conspiciendum
 nobis tergum obverteret, quam num. 3. sub literâ conversa
 Q ostendit: eratque operculum hoc suæ capsulæ diturno
 attritu ita adaptatum, ut circa ipsam in orbem quàm facilli-
 mè ageretur, unaque adeò index perspicuus operculi fundo
 inscriptus; horariis interim numeris in capsulæ vitreo pari-
 ter fundo immotis existentibus & per operculi fundum mo-
 bilem tralucens. Porro denticulis operculi verticaliter
 erecti implicuimus rotulam orichalceam aliam C horizon-
 taliter positam ambitus omnino æqualis & in denticulos to-
 tidem h. e. 48. pariter divisi. Ex hujus rotulæ medio descen-
 dit per foramen in laternæ lamina eum in finem factum (cæ-
 tera enim omnia, nempe capsula tota A B & rotula C, intra
 laternam abscondita sunt) stylus ferreus C D, infernè qua-
 drato foraminulo, tanquam matrice quadam excavatus, quâ
 horologii suppositi axiculus indicem ordinariè circumdu-
 cens, recipitur. Horologium hoc exportatiliū genere est &